



22. Marts 2019

UPA 2019/206

Atassut

Aqqaluk Heilmann

Kalaallit Nunaanni eqqartuussisarnermik inatsisip allannguutaa pillugu (Pinerluttulerinermi suliani nassuiaatinik atuineq, timikkut misissuinnermut malittarisassanik allannguneq, Kalaallit Nunaanni Eqqartuussivimmi sulisunik aalajangersaaneq il.il.) Inatsisissatut siunnersuummut missingiut

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Kalaallit Nunaanni eqqartuussisarnermi pinerluttulerinermilu suleriutsinut tunngatillugu naleqqussaqqinnermi taama suliaqartuusunut pitsaasumik eqaannerusumik ajornaannerusumillu suleriaaseqarsinnaanermut inatsisissatut siunnersuummut missingiut taperserparput Atassummiit.

Uppernarsaatnik katersuisinnaanermut tunngatillugu pisariaqartinneqarlutik atorneqarsinnaasunik uppernasaatissatut sakkugineqarsinnaasut ilanngullugit periarfissaasinnaasariaqarput.

Soorlu ullutsinni ajornaatsumik assiliisinnaasoqarpoq taamatulli nipinik immiussisinnaasoqarluni aammalu aalasulianik immiussisinnaasoqarluni (Film-iliorsinnaasoqarluni) mobil-imiit.

Taamaattumik kinaluunniit unnerluutiginninnissaminut uppernarsaatitut sakkussaminik imminut periarfississimappat tamannalu pisariaqartinneqarpat atorsinnaasariaqarput tutsuiginartuuppata.

Kiisalu illoqarfinni eqqartuussiveqarfiusuni assiliissutit internet atorlugu eqqartuussisarnermi suliat ingerlanneqarsinnaasarnissaat sakkutut atorluarneqarsinnaanerat aamma periarfissaasariaqarpoq illoqarfinni eqqartuussisumiit illoqarfimmut eqqartuussisumik peqanngitsuni.

Atassummiit iluarisimaarparput nunatsinni eqqartuussiveqarnikkut sullissisarnermi periutsit eqaannerusumik aaqqissuusseqqinnikkut iliuuserineqartut pillugit, ilisimavarpummi kinguaattooqqanerit annertuujusut ilaalu ukiorpassuarni utaqqitinneqartariaqartarsimasut.

Timikkut misissuisarnermut malittarisassat allanngortillugit eqaallisaqqinniarneqarnerat pinerluttulerinermut suliaqartunut annertuumik oqilisaassisussaavoq, taamalu malitsigisaanik ajornaannerusumik suliat naammaseqarsinnaanerannut sunniuteqartussaalluni.

Allannguutissatut siunnersuutigineqartut taperserlutigit Atassummiit akuerivagut.

